

INUIT ATAQATIGIIT

INATSISARTUNI



UKA2022/120

Ulloq 29-09-2022

Knud Mathiassen

**Uunga siunnersuut: Nunaoil A/S pillugu Inatsisartut inatsisaata
atorunnaarsinneqarnera pillugu Inatsisartut inatsisaat**

**(Aatsitassanut Inatsisillu Atuutsinneqarnerannut
Naalakkersuisoqarfimmut Naalakkersuisuni ilaasortaq)**

Nunaoil A/S pillugu Inatsisartut inatsisaata atorunnaarsinneqarnera pillugu
Inuit Ataqatigiinnit ima isumaqarput.

Qinigaaffik una aallartinnerani Naalakkersuisut uuliasiornerit uuliasiornissamillu
misissuinerit unitsinneqarluinnassasut erseqqissaassutigereernikuuaat.

Inuit Ataqatigiit siunnerfiisa ilagaa pinngortitaq, silaannaq uumasullu
mingutsinneqassanngitsut tamanna uuliasiorunnaarnermik
pinaveersaartinneqassaaq. Tamatumuunalu nunarput silap pissusiata
allanngoriartornera kigaallatsinniarlugu Namminersornersorlutik Oqartussat
suliffeqarfia Nunaoil A/S malittarisassaasa ullutsinnut naleqqussarneqarisigut
soqutigisaasa siammasinnerusunngortinneqassasoq Inuit Ataqatigiinnit
upperaarput.

Inuit Ataqatigiit aatsitassat ulorianartunik akullit mingutsisisinnaasunillu
piiaaneq akerlerisarivaa, taamaattumik Nunaoil A/S ingerlatseqatigiiffittut
malittarisassanik allanngortitsinissaminik Naalakkersuisunit
periarfissinneqarnera Inuit Ataqatigiinnit tigulluarparput, silap pissusaatigut
ajunaarnersuaq pinngitsuussagutsigu maani tunngavisseeqataavugut,
Naalakkersuisummi inatsisartut suleqatigeqqissaarlugit erngup nukingani

INUIT ATAQATIGIIT INATSISARTUNI



nukissiorfiornerit Naalakkersuisut inatsisartullu siunniussaqarerat
tulluusimaarutigaarput.

Nunarput minguitsoq mingutserneqannginnissa tamatta akisussaaffigaarput.
Tulluusimaarutigaarput uuliasiornermut iliuusissiap allanngortinneqarmat
Nunarpummi issittoq minguitsoq siunissaraarput.

Nunarput minguitsoq – toqqissisimaffippuit.